

CUSSEGL GROND

La sorpresa «verda» da Laax

Avon strusch treis jamnas ha il pievel grischun elegi siu parlament pils proxims quater onns. In gi da success eis ei stau per la PPS. Ed era per la Verda. Sco gia il 2022 ha il sistem da proporz caschunau surpresas. Caroline Huber da Laax, ina candidata nunenconuschenta dalla gliesta dils Verds, occupescha ils proxims quater onns ina dallas sutgas dil parlament cantunal. La FMR ha entupau la nova deputada dalla Foppa.

AUGUSTIN BEELI/FMR SURSILVAN

«Jeu sun surprida, mo hai era fetg grond plascher», puntuescha ella all’entschat-ta dil discuors. La dunna da 55 onns che habitescha dapi quater onns fix a Laax conceda ch’ella seigi stada «mo» la numera treis da lur gliesta. Da principi hagian tut ils commembers conton-schiu resultats equivalents e seigien stretg ensemen, aschunta Caroline Hu-ber. Siu num han 411 votantas e vo-tants dalla Foppa scret ils 14 da zercla-dur 2026 sil cedel, Céline Hulliger da Glion ha survegniu 404 ed Anian Ca-mathias da Sagogn 396 vuschs.

Mai stada activa politicamein
Apparentamein han ils Verds giu suc-cess, pertgei l’emprema gada tarmetta la Foppa ina deputada «verda» a Cuera. Fuss ei iu tenor il sistem d’eleger maiorz havessen ils Verds giu negina schanza. Lu havess la deputada dil Center, Mar-tina Beeli, saviu tener siu sez el parla-ment cantunal. Ella ha numnadamein survegniu 1146 vuschs, il tierz-meglier resultat dallas elecziuns ella Foppa. Il si-tem dil dubel proporz cantunal ha denton giu il davos plaid e lubiu schan-zas era a partidas pintgas. Aschia ha ina «verda» da Laax gudignau in dils sis sezs dil circuit electoral Foppa – e Caroline Huber ei da niev deputada e commem-bra dil Cussegl grond.

La fin d’uost vegn ella ad ir l’empre-ma gada a Cuera. Per entscheiver sia ac-tivitat politica vegn ella, ensemen cun tut las autras personas novas, saramen-tada. Caroline Huber vegn ad emper-metter fideivladad e tut gl’auter ch’ins spetga d’ina representanta dil pievel. Suenter las elecziuns han ins udiu a Glion e contuorn – e schizun a Laax: «Tgi ei quei? Quella enconuscha gie ne-gin!» En in discuors culla FMR lai la deputada designada dalla partida Verda lu era valer quei: «Jeu sun pilver mai stada activa politicamein. Pér il no-venember digl onn vargau sundel jeu en-trada ella partida dils Verds e semessa a disposiziun per la campagna electorala. Mo jeu sun adina stada ina perschuadi-da verda.»

Maina cartiu
Che gest ella mondi ils proxims quater onns a Cuera el Cussel grond havessi el-la maina cartiu, conceda Caroline Hu-



Caroline Huber da Laax, ina candidata dalla gliesta dils Verds, ei vegnida eligida ils 14 da zercladur sco deputada dil Cussegl grond.

FOTO AUGUSTIN BEELI

ber. El parlament cantunal vegn la de-putada nova ad esser ina dallas siat per-sunas che fuorman la nova fracziun dils Verds. Caroline Huber numna il pro-gram e las prioritads: «Clima ed am-bient secapescha, lu la giustia sociala e habitaziuns pagablas. Persunalmein fa-tschentia mei il basegns d’electricitad pils novs centers da datas IA che crescha fermamein, e lu era co nus savein acce-lerar la transformaziun d’energia.»

La suletta dunna
Caroline Huber ei denton buca mo neo-politichera grischuna. Ella ei ina dallas sis personas che representan la Foppa. En-conuscha ella ses tschun collegas ch’ein cun ella el parlament? «Cun singuls hai jeu gia tschintschau. Ils auters vegn jeu a contactar». Ella, la «verda» da Laax, ei la suletta dunna, ensemen cun Ernst Sax,

«Jeu sun adina stada ina perschuadida verda.»

Caroline Huber, deputada Verda

Kevin Brunold, Silvio Dietrich, Renatus Casutt e Gian Marco Bianchi. Dunnas vesan savens auter la politica, ed han sa-vens autras modas d’agir ed encurir sli-giaziuns. «Jeu hai claras perschuasiuns, teidlel denton er tgei ch’occupescha la glieud e sun era promta per cumpro-miss», puntuescha Caroline Huber.

Aspects che vegnan alla cuorta
Sia ambiziun seigi stada da gudignar schi biaras vuschs sco pusseivel per la partida Verda. «Duront la campagna es-san nus stai presents adina puspei, per exempel sin piazza-fiera a Glion, nua che nus havein encuretg il discuors cul-la glieud.»
Duront quell’activitad ha ella s’encur-schiu e viu con impurtont ch’igl ei da ca-pir ed era discuorer il lungatg dils indi-gens. Gia gl’unviern vargau hagi ella fre-

Caroline Huber – dapi 2022 a Laax

Caroline Huber habitescha cun siu partenari ch’ei oriunds da Wales en ina habitaziun da 2 ½ stanzas ella surbaghegiada Curtgin la Streia a Laax Demvitg. Ella ei naschida 1970 e carschida si a Dübendorf e Maur. La biotecnologa studegiada ha lu-vrau biars onns sco menadra da pro-ducts e menadra da marketing ella branscha dalla tecnica medicinala e tecnica da labor.

Quater onns ha ella luvrau els Sta-dis Uni, lu puspei anavos a Männe-dorf ed alla fin a Basilea. Laax, siu do-micil stabel dapi 2022, ha ella empriu d’enconuscher gl’onn 2012. Lu ha-gien ella e siu partenari «pertgirau» a Flem ina rulotta d’enconuschents.

La Surselva ha plaschiu schi bein ch’els han cumprau gl’onn 2014 la ha-bitaziun ed occupau quella fetg savens las fins d’jamna e duront il temps da corona. Sin quei ei Caroline Huber sedecidida da prender sias scartiras a Laax, siu partenari vegn a far il me-dem uonn. Siu grond hobi dil temps liber ei ir cun skis e viandar. Caroline Huber ei regularmein da viadi per pli-ras jamnas a pei sin rutas lontanias d’etappas tras l’Europa. (fmr/abc)

quentau a Laax ils emprems cuors da ro-montsch tier Vitus Dermont – in an-te-riur president dil Cussegl grond. «Ussa selegr’jeu da sfundrar intensivamein el cuors dalla Fundaziun Retoromana ch’entscheiva l’autr’jamna a Glion», tra-descha la nova deputada.

Gest tras la campagna electorala ha la dunna ch’ei carschida si el cantun Tu-ritg (mira scaffa) saviu empunir biars contacts novs. Ella seigi vinavon vid-lunder da seconnectar era a Laax. Leu ein tematicas «verdias» buc exnum si-sum las prioritads politicas dalla popu-laziun, ni bein?

«Ei constar ch’ils paucs han motiv da selamentar pervia dalla qualitat da vi-ver e l’infrastructura quasi perfecta», gi ella, aschunta denton: «Las secundas habitaziuns han denton era effects ne-gativs. Per exempel maunca spazi da ha-bitar pagabel per indigens.»

inserat

FMR
VITAMIN R
LECTURA RUMANTSCHA

